

Ո Ր Ո Շ ՈՒ Մ

Ճանապարհային ոստիկանության վարչական փույթ նշանակելու մասին 10.11.2020թ. թիվ 2011855048 որոշման հիմքում դրված փաստական հանգամանքների դեմ բերված գանգաւրն առանց բավարարման թողնելու մասին, իսկ 14.10.2020թ. թիվ 2011754109 որոշումը բեկանելու և վարչական վարույթը կարճելու մասին

<< 20 >> 11 2020թ. 7-13 14676

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Թաթուլ Մկրտչյանի թիվ ՄԴ/151468-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արարատի մարզի Այնթապ գյուղի 7 փողոցի 41 տան բնակիչ Թաթուլ Մկրտչյանը դիմումով հայտնել է, որ OPEL մակնիշի 36 TC 391 հաշվառման համարանիշի ավտոմոբիլը փաստացի վարել է ինքը և խնդրել վերանայել տվյալ ժամանակահատվածում կատարված երթևեկության կանոնների խախտման համար կայացված վերը նշված որոշումները՝ նշելով, որ մի դեպքում կանգառը կատարել է մեկ րոպեից պակաս ժամանակով, իսկ մյուսում՝ կանգառն արգելող ճանապարհային նշանը գտնվել է տեսադաշտից դուրս:

<<Վարչական իրավախախտումների վերաբերյալ>> ՀՀ օրենսգրքի 286-րդ հոդվածի 1-ին մասի համաձայն Թաթուլ Մկրտչյանը ճանաչվել է որպես խախտումները կատարած անձ, ուստի նրա կողմից ներկայացված գանգաւրը ենթակա է քննության:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պարճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները: Ըստ նույն օրենքի 6-րդ հոդվածի 2-րդ մասի՝ իրավախախտման հատկանիշները համարվում են պարզված, երբ տեսանյութում կամ լուսանկարում ամրագրված արարքի հատկանիշների և իրավախախտման հատկանիշների համապատասխանությունը կասկած չի հարուցում, իսկ կասկածի դեպքում մեկնաբանվում է հօգուտ անձի:

14.10.2020թ. թիվ 2011754109 որոշումով արձանագրված իրավախախտման PIN անհատական ծածկագրի տակ զեպրեղված տեսանյութի դրվագային ուսումնասիրմամբ պարզվել է, որ առկա գովազդային վահանակը տեղադրված է 3.27 <<Կանգառն արգելվում է>> ճանապարհային նշանի դիմաց և կարող է խոչընդոտ հանդիսանալ դրա տեսանելիության համար, հետևաբար իրավախախտման փաստի առկայությունը համարվել է կասկածելի:

Ինչ վերաբերվում է 10.11.2020թ.թիվ 2011855048 որոշմանը, ապա ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը

սահմանելու մասին>> թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է երթևեկելի մասի **եզրին զուգահեռ մեկ շարքով**՝ բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

Իրավախախտման PIN անհատական ծածկագրի տակ գեպտեղված տեսանյութի դրվագային ուսումնասիրությունն ակնհայտ է դարձնում այն փաստը, որ դիմումատուին պատկանող տրանսպորտային միջոցը 23.10.2020թ. ժամը 15⁰¹-ին կանգառ է կատարել Երևան քաղաքի Արշակունյաց-Նժդեհ փողոցների խաչմերուկի հատվածում երկրորդ շարքով՝ 15:00:26 վայրկյանից մինչև 15:01:28 վայրկյանը, որի տևողությունն է 62 վայրկյան, իսկ Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ և 25-րդ մասերով նախատեսված արարքը նվազ նշանակություն ունեցող գնահատելու համար, ըստ նույն հոդվածի 39-րդ մասի տառացի մեկնաբանության, ոչ թե իրավախախտման փաստն արտացոլող տեսանյութի տևողությունը, այլ վարչական իրավախախտման տևողությունը չպետք է գերազանցի 1 րոպեն, հետևաբար առկա չէ իրավական որևէ հիմք դիմումատուի արարքը նվազ նշանակություն ունեցող գնահատելու համար:

Ելնելով վերոգրյալից, ղեկավարվելով Վարչարարության հիմունքների և վարչական վարույթի մասին ՀՀ օրենքի 63-րդ հոդվածի 1-ին մասի <<ա>> կետով, Վարչական իրավախախտումների վերաբերյալ 286-րդ հոդվածի 1-ին մասով և 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 14.10.2020թ. թիվ 2011754109 որոշումը բեկանել և վարչական իրավախախտման վերաբերյալ գործը կարճել:

2. Թաթուլ Մկրտչյանի՝ Ճանապարհային ոստիկանության 10.11.2020թ. թիվ 2011855048 որոշման հիմքում դրված փաստական հանգամանքների դեմ բերած գանգադր թողնել առանց բավարարման:

3. Հանձնարարել ՏՄՀԽԱ կենտրոնին՝ Թաթուլ Մկրտչյանի անվամբ կայացնել նոր վարչական ակտեր:

4. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

5. Սույն որոշման օրինակն ուղարկել Թաթուլ Մկրտչյանին և ՏՄՀԽԱ կենտրոն:



Ե. Կարապետյան